

Arkiv:
JournalpostID: 19/292
Saksbehandlar: Tove Mette
Fyllingen
Dato: 27.08.2019

Saksframlegg

Saksnr.	Utvalg	Møtedato
021/19	Valstyret Alver	29.08.2019

Klage på manglande lister i samband med førehandsrøystinga

Vedlegg i saken:

27.08.2019	Klage/oppfølging	1325761
27.08.2019	Strilen	1325763

Programansvarleg sitt framlegg til vedtak:

Endra rutinar i samband med hendinga vert følgd opp i alle vallokala (førehands- og valtingslokale) i Alver kommune.

Bakgrunn for saken:

FNB har klagt vedrørende sak, omtalt i Strilen 26.08.2018.

Det ligg ikkje meir utfyllande informasjon i klagen.

Dette gjeld veljar på biblioteket i Lindåshallen, som skulle førehandsrøyste måndag 26.08.2019.

Valansvarleg vart kontakta av Strilen etter veljaren sjølv hadde meld frå til dei. Biblioteket på Lindås tok kontakt og melde frå om hendinga.

- Ein person møtte i vallokalet, gjekk deretter i avlukket.
- Etter ein stund kom veljaren ut av avlukket og melde frå om at det mangla røystesetlar til Folkeaksjonen Nei til meir bompenger til kommunestyrevalet.
- Røystemottakar takka for informasjon, beklagde og fylde på med røystesetlar.
- Etter dette gjekk veljar i avlukket, fann røystesetlar, vart kryssa i manntal og la i urna.

Det vart sjekka med jamne mellomrom at røystesetlar var på plass til alle parti.

Klagen er no sendt kommunaldepartementet. Denne saka med vedtak i valstyret vert sendt departementet etter møtet.

Etter denne hendinga har vi endra rutinar for tilsyn i avlukka. Det vert sjekka at alle røystesetlar er på plass og på rett plass etter kvar veljar.

Dette er heldigvis ei hending som skjeldan skjer.

Hendinga på Radøy, som det vert vist til i avisa, er ikkje kjend for oss utanom rykter og sosiale media.

Det vart ikkje klaga i vallokalet, eller i ettertid, frå veljarane skulle førehandsrøyste.

Valstyret Alver 29.08.2019:

Behandling:

Programansvarleg sitt framlegg vart samrøystes vedteke.

VA- 021/19 Vedtak:

Endra rutinar i samband med hendinga vert følgd opp i alle vallokala (førehands- og valtingslokale) i Alver kommune.